

Universitätsbibliothek Paderborn

**Vita P. Camilli De Lellis Fvndatoris Religionis Clericorvm
Regvlarivm Infirmis Ministrantivm**

Cicatelli, Sanzio

Antverpiæ

Cap. X. Clemens VIII. Pont. finem imponit controuersiæ super Religionis
Instituto. Fundatur domus Mantuana. Mittuntur aliqui è nostris Canißium.

urn:nbn:de:hbz:466:1-37267

C A P V T X.

*Clemens VIII. Pontifex finem imponit
controversiæ super Religionis Institutio-
Fundatur domus Mantuana. Mittimur
tur aliqui è nostris Canissium.*

ITa diuinæ Maiestati acceptæ fuerunt Camilli preces & opera pietatis, ut post quinquennij patientiam obtinuerit tandem à Religione, sed cum multis conditionibus, quidquid de Xenodochiis postulauerat. Nam Consultores (ad quorum prouidentiam hoc totum spectabat negotium) considerantes, propter istud punctum Religionem è malo in peius semper ruere, iudicarunt expedire, ut ad eius postulata descenderent: saltem ad maius aliquod eius modi, quem ipse noster Pater proponebat, experimentum. Hinc Pontifici supplicauerunt, ut per confirmationem aliquot nouorum statutorum à Camillo & Consultoribus super re controversa confectorum dignaretur finem toti huic disceptationi imponere. Pontifex igitur desiderans Religionem in pace ac tranquillitate domestica degere, id omne negotium Domino Antonio Senecæ (qui post Anagniensis fuit Episcopus) commisit. Hic autem

autem vñà cum eodē Camillo & Consultoribus (accepto similiter, vti Sua Sanctitas ordinauerat, Cardinalis Saluiati Protectoris, & Cardinalis Baronij iudicio) Religionis statuta ad eam formam reduxerunt, quæ iam legitur in Bulla Clementis VIII. Pontificis, data ad vigesimam octauam Decembbris anno M. D C. sic Camillo votorum suorum compoti plenissimè est satisfactum, quandoquidem inter alia stabilitum fuerit, vt deinceps (vbi quidem licuerit, & commodè iuxta Constitutiones fieri potuerit) inferuiatur in Xenodochiis ad modum à Camillo præscriptum: sed vbi propter aliquod impedimentum id fieri nequivuerit, illic opera nauetur per visitationes ut priùs: quibus in visitationibus declaratum est totam Instituti vim consistere. Ego quidem sanè tamquam certum & exploratum habeo, totam superiorem controversiam ea de caussa à Domino Deo permisam fuisse, vt non modò totius Religionis patientia exerceretur, sed etiam ut diuersis ministrandi modis in experimenta deductis, posset processu temporis in perfectam diuinæ voluntatis cognitionem deueniri. Iam ergo Camillus impetratis per illam Bullam omnibus quæ desiderauerat, coepit toto, quod aiunt, pectore in executio- nem incumbere, admittendo & assumendo

quām

192 VITÆ P. CAMILLI DE LELLIS
quām poterat plurimos Nouitios , domos
Xenodochia. Et quia nimis prolixa res fo-
ret , omnia eius itinera , labores , fatigatio-
nes , curas , sollicitudines , quæ in recentibus
& nuper admissis Xenodochiis obiuit ac
sustinuit , sigillatim dicendo prosequi ; ego
multa breuī complectens , hoc dicam scilicet
anno M. D C. I. ad extremum Maium , vi-
gente Vincentio Quarto Serenissimo Duce
Mantuæ per Fratrem Franciscum Gonza-
gam eius ciuitatis Episcopum , virum gregis
sui longè studiosissimum , misisse Camillum
ad eamdem urbem f. Franciscum Ama-
dium , ut ibi domum fundaret . Vbi paullò
pōst ab eadem Celitidine data est nostris
domus & templum S. Thomæ , & simul cu-
ra Nosocomij. Mense autem Junio confe-
quenti cūm mittendus esset miles Italus ad
recuperandum Canisium Croatiae urbem
maximi momenti , quam Turcæ paullò an-
tē occupauerant , Clemens VIII. Pontifex
& Ferdinandus magnus Dux Hetruriæ non-
nulos denuò è nostris ad gerendam infir-
orum militum , & in ipsorum exercitibus mo-
rientium , curam à Camillo poposcerunt . Vi-
de Pontifici octo concessi fuere , magno au-
tem Duci quinque . Qui omnes diuina gra-
tia multos ibi labores & ærumnas in ferendis
illi hominum generi suppetiis pertulerunt :

è qui

è quibus duo malorum atque incommodorum grauitate pressi, & frigoris niuumque asperitate perdomiti, tandem morti succubere: nempe P. Ioannes Baptista Picurus Neapolitanus in exercitu magni Ducis, & Hieronymus Beuilacqua Parmensis in exercitu Pontificis. Sed præterire silentio hic non possum id quod dictis Patribus in castris ad Canisium accidit. Ibi enim in ipso rum tentorium duæ crassæ pilæ ferreæ è tormento murali emissæ, & tres aliæ è bombardis grandioribus itidem crassæ penetrarunt, à quibus tamen nihil penitus nocu-
menti aut damni acceperunt. Quod non absque manifesto diuinæ Maiestatis fauore euenit; cùm vna speciatim ex illis pilis inter tres è nostris simul confidentes media per-
uolarit, eaque pondo quadraginta grauis, quæ cùm in vnam eorum arcam incidiſſer, quid-
quid erat lineum aduſſit, & vnum insuper pallium, quod intus erat, sed crucem, quæ illi inserta erat, neutiquam attigit. Quæ res totis castris percrebuit, & crux ipsa monu-
mentum prodigijs passim ostensa est, quam deinde vnuſ è præcipuis illis Nobilibus omni ope impetrauit, atque ad pectus tamquam pretiosissimum totius vniuersi thoracem gestauit. Pila verò alia eiusdem ponderis directe in perticam ipsius tentorij incurrit,

N qua

194 VITÆ P. CAMILLI DE LELLIS
qua deturbata vnam quoq; sedem ligneam
comminuit, in qua iamiam federat idem
Pater Picurus, & è qua post auditam festi-
natò cuiusdam militis confessionem nunc
primùm surrexerat. Nam idem miles coram
dicto Patre adhuc flexis innitens populi-
bus, audito tympani sonitu impensè Patrem
rogauerat, vt citò absolueret, nunc enim
insultum in vrbe dari, cui interesse de-
beat, ita vt si paullò diutiùs simul ibi re-
tissent, ambo in minutissimas partes di-
cerpti cecidissent. Neque minor Dei mi-
sericordia in quempiam alium è nostris emi-
cuit: quandoquidem illa ipsa pila, priu-
quam rueret in dictam perticam, caput
castrensi pharmacopolæ abstulerat, qui cum
vno è nostris ante portam eiusdem ten-
torij inambulabat: adeò vt si Frater nostra
ad eius fuisset dexteram, vti erat ad la-
uam, ictus proculdubio fuisset ipse, non
alter. Hæc tria exempla idcircò memorata
volui, vt nostris, cùm in talibus fuerint pe-
riculis, animos adderem. Ad Camillum au-
tem vt reuertamur, is maiore semper chan-
tatis ardore inflammatus, eodem ipso an-
no curam Xenodochij sanctæ Mariæ No-
uæ in vrbe Florentia est amplexus. In Si-
ciliam deinde iter suscepit, vbi numquam
ex eo tempore fuerat, quo ibi miles ege-

rat,

rat, cum Panormi omnia ludo dilapidae-
rat. Ibi autem primùm nunc visus, tanta
est exceptus populi illius lætitia, ac nomi-
natim Messanæ, ut cuncti ad eum viden-
dum certatim concurrerent, dicerentque, vs-
que à sancto Francisco de Paula num-
quam alium in eo regno fundatorem Reli-
gionis esse visum, ac proinde beatos esse eos,
quibus vel manum eius exosculari, vel bene-
dictionem ab eo recipere iam liceret. Mes-
sanæ porrò transit Panormum extremo
mense Augusto, vbi ipse Prorex, Dux Ma-
qedæ, ad quem salutandum se Camillus
contulerat, tanto cum honore & reueren-
tia eum suscepit, ut semper & capite aper-
to & stans eum alloqueretur. Sic eidem
Proregi (interuentu Archiepiscopi D. Iaco-
bi ab Aëdo, qui benedixit ac consecrauit
primum lapidem templi nostri sanctæ Nym-
phæ) placitum fuit eum in fundamenta
mittere cum solemnî pompa & apparatu,
præsente Camillo, propterea quod ei ad-
modum addictus esset.

N 2

CA-